

UANDAKUA JURHIMBEKUECHERI K'UIRIPUECHERI PARHAKPENI ANAPU

INCHAJPEKUA

Mitiparini eski jánguarhikua, jurhimbekua ka no jupiperakua parhakpeni jimbo jupikuarhisindi jeioperakua jurhimbitku jangueri ka no ambe atarantskueri iamindu majku anapuecheri,

Mitiparini eski no eiangperakua ka isku eekua k'uiripuecheri jurhimbekua isi jimbosí xani no sesi kamerajajti; ka uandajajti, eski sanderu k'eri ambe ukua k'uiripuecheri, erokakua materu jaso irekakueri engakso k'uiripuecha, jurhajkutini ia chékua ka komu jáangua, sesi marhuataakaksí uandakua ka mamaru járhati jakajkukuechani,

Mitiparini sesimindu eski k'uiripuecheri jurhimbikuecha kuajpegaaka K'eri jurhimbikua jimbo, jimbokakso iso k'uiripuecha uatiksí no ambe jupikuarhini ka jauarani no sesi kamberakua jimbo,

Mitiparini istu eski uetarisínga etsekuni ka k'uiriperani iretecheri sesi pajperakua,

Mitiparini eski iretecha, Iretecheri kunguarhikua sesi jimbomendu uandajti ia imecheri jakajkua K'eri karákatarhu k'uiripuecheri jupikuarhikua jurhimbekueri, k'uiripueri k'uratsekua ka ts'uekua ka majku jasi jukaparhperakua ts'ueritichei ka uarhecheri; ka uandastiksí ia eskaksi uaka ambakiti ambe ireskuni ka irekakua ambe sesi uaxastani eratsiparini eskaksí usínga janguarhikuarhini,

Mitiparini eskiksí K'erhati Irechekuecha eia kurhistiksí sesi, jarhaujpeni indeni kunguarhikua Organisasioni de las Naciones Unidasí jingoni, iamendu jajajarperani ka urauani jurhimbekuechani ka janguarhikuechani k'uiripuecheri, ka

Mitiparini eski sesi mitiakaksí iamendu ieni jasi jurhimbekuechani ka jánguarhikuechani sanderu jukaparhakuesti ka inde eia kurhikuani uni isí ukuarhini,

K'ERI TANGUARHIKUA uandasindi

I K'eri Uandakua K'uiripuecheri Jurhimbikuecha Parhakpeni Anapu iamenduchani majku jasi eraaparini eskiksí iamendu iretecha janguarhentaakaksí, eskaksí xani k'uiripuecha eski k'umanchikua juramukuecha imani exeparini mititpeakaksí jorhentpeparini ka kaxomperakua jimbo, ini ambe jajajarhini, uaxastaatikso, sanani arhipani iapurhu iso, jiokurhijaati ka sesi urajjaati, xani iretecha engakso kurhpitini jaka ka engaksojtu iretecha jima jupindakuarhitini jaka.

Arhujtakua 1

Iamendu k'uiripuecha janguarhiparini ka majku jarhati ka jurhimbekuecha jingoni kueraajasondikso ka, juajtakuarhisindiksí ambakiti eratsekua ka kaxumbikua, jatsistiksí eskaksí sesi arhijperaaka.

Arhujtakua 2

Iamendu k'uiripuecha jatsistiksí iamendu jurhimbekuechani ka janguarhikuechani engaksí ixu uandajka, na uejiki jasi iurhiri jatani, xarharani, ts'uerati o uarhi, uandani, cheregeni, eratseni o materu jangua kamani, nani uejki anapueni, jatsikurhini tumina o no ambe, kueraakateni o materu jasi ambe uni o jamani.

Istu, no ima pajjaati naki enga kunguarhikua juramukueri jamaaka, naki uejkini o nani uejki anapueni enga jupindakurhitini jauaka ma k'uiripu, xani enga ma paisi juramukuarhiti anapueuaka, eski ima irechekua enga no iamendu ambe jandiajku juramukuarhiaka.

Arhujtakua 3

Iamendu k'uiripuecha jurhimbekua jatsistiksí jamani i parhakpeni, janguarhikuarhini ka tsipekua kuajpemejani.

Arhujtakua 4

No nema jamaati isku anchikuarhitsipeni nijtu isku jantspeni; isku anchikuarhitsipekua no sesikua jarhasti ka ni niatatsipetichani ataraantani o piaواني na uejki jasi jimboeni.

Arhujtakua 5

No nema jatsisti eski komku kajaaka o eski k'uratsekueni jaso ambe kajaantaaka.

Arhujtakua 6

Iamendu k'uiripuecha jurhimbekua jatsisksí, iapurhu isí, eski jajajarhijaaka na uejki jasoeni.

Arhujtakua 7

Iamenduksí majku jasísti jurhimbekuarhu jimbo ka jatsistiksí, ne uejkini, majku jasi kuajpikurhintskua, jurhimbekuecha jingoni. Iamenduksí majku jasi kuajpekuarhintskua jatsisti ne enga t'auajchakuaka ka no paaka ini uandakuani ka eratsekuani.

Arhujtakua 8

Iamendu k'uiripuecha jurhimbikua jatsisti jupikuarhini ambe enga kuajpintaaka, enga tsandpemejaaka kuramukperakuarhu, eska kuajpegantaaka enga imeri jurhimbekuechani t'auajchakumejaaka.

Arhujtakua 9

No nema uati isikumendu undani jupijani, ojaani ni chutajantani o petaatani.

Arhujtakua 10

Iamendu k'uiripu jurhimbekua jatsisti, mangueni jatini, eska kurajchaaka ka eska sesi kurangumegantaaka, eskakso juramuticha no nema jingoni k'uitsapeaka, eratseparinksi imecheri jurhimbekuechani ka janguachani, o engaksi uekaka mitikuni ambesí tsijpa.

Arhujtakua 11

Iamendu k'uiripu tsandpemejakata ma ambe tso

No nema jupijaati ka ojaani enga jiajkani enga tso

Arhujtakua 12

No noma inchakumejaati imeri irekakuarhikua jimbo imeri japindembekuarhu, imeri k'umanchikuarhu o imeri ambe axatsoperakuarhunijtu churejani jaakuarhimejani ambe. Ini ambe jimbo iamendu k'uiripu jatsisti jurhimbekua eska kuajpikurhintaaka.

Arhujtakua 13

Iamendu k'uiripu jurhimbekua jatsisti jamani ka erakukuarhini nani enga irekaaka ma Irechekuarhu.

Iamendu k'uiripu jurhimbekua jatsisti ueakuni ma o imeri paisirhu ka menderu ichaakuntani.

Arhujtakua 14

Enga andangujani o jupijakuekani jauaka

I jurhimbekua no uati uanakutani o kurajkuarhini ma ambe tsijpakua jimbo enga ambe arhijka Naciones Unidasirhu.

Arhujtakua 15

Iamendu k'uiripu jurhimbikua jatsisti nani enga anapueuaka.

No nema euakuarheḡaati jurhimbikua isku undani nani enga anapueuaka o irekaaka ka majku jastu enga uekaaka mojtakukuarhini materu o tamu iso

Arhujtakua 16

Ts'ueriticha ka uárhicha, engaksí tumbiuaka ia ka iurhitskirini ia, jurhimbikua jatsistiksí, no p'ingunaparini iurhiri anapuekua o chereḡekua jimbo, tembuchani o uambuchani ka ireskuni ma japindembekua; ka majku jaso marhuataatiksí jurhimbikuechani engaksí tembungurhitini jauaka ia ka istu engaksí jurhajkperaaka.

Jeioķperaparinskí ka ueķaparinkuksí uati tembungurhirini.

Japindembekua kueraakatesti parhakpenirhu ka jurhimbikua jarhasti eskiksí ireta ka Irechekua kuajpiaka ka jarhuatpeaka.

Arhujtakua 17

Iamendu k'uiripu jurhimbekua jatsisti eski mamaru ambe jandiajku minguarhiaka, ka istu kunguarhuntatini mamaru ambe jatsikuarhini materu k'uiripuecha jingoni.

No nema euakuarhiḡaati iskumendu imeri jatsikuarhikua ambe.

Arhujtakua 18

Iamendu k'uiripu jurhimbekua jatsisti eratseni eski na uekaaka, jaḡaskani ka chereḡentu iso; i jurhimbekujtu arhisindi eski uḡaaka mojtakuni chereḡekua ka jokajkukua, istu uandani na jaso chereḡesondi ka jakajkusindi, jandiajku ka uanekuecha jingoni, xani eski mitikuarhiaka ka eskajtu no ambe, jorhenguarhikua jimbo, isí ukua jimbo, jangua ka exekua jimbo.

Arhujtakua 19

Iamendu k'uiripuecha jurhimbekua jatsistiksí arhiḡpeni ka uandani; i jurhimbekujtu arhisindi eski no ambe ma arhiḡaaka ambe enga uandaaka, ka etsakuni, mamaru jaśi ambe etsakutarakua jimbo.

Arhujtakua 20

Iamendu k'uiripuecha sesikua jaśistiksí tanguarhiḡantani ka kunguarhiḡantani kasopekua jingoni.

No nemanksí uati uiḡarhitani eski ma kunguarhikua jingoniuaaka.

Arhujtakua 21

Iamendu k'uiripu jatsisti sesikua uni andaparakuerani k'eri juramukuarhu, andaparakuerani o enga erakuntskuarhu uéaaka.

Iamendu k'uiripu sesikua jatsisti eski majku jaśi ambe uaka teruḡarhiḡantani juramukua imeri paisirhu.

K'uiripueri eratsekua ireteri anapu majkuesti jupitsekua uiḡapikua enga ireta uandaaka juramukueri; i kuramukperati uati ma juramitini jatsini erakuntskuarhu engakso ukuarheni jauaka na jatini enga k'uaniaka, erakuntaparini sipatinku o iamendu exeḡaparini.

Arhujtakua 22

Iamendu k'uiripu, jimboka iretarhu anapueka, jurhimbikua jatsisti jaḡaḡarhikua kuajperata intsoḡani jarhuajperaparini iamendu juramukuecha jingoni juchari pvindetsikuarhu jimbo ka tepetsekuarhu, marhuatani tumini juchari Irechekuarhu anapu, enga uetarka imeri jaḡaskua sesi xaxeaka ka t'arhexeaka.

Arhujtakua 23

Iamendu k'uiripu jatsisti eski intsíḡaaka ma anchekuarheta, eski ima na jaśi jaḡaskatini jauaka, majkueni eski maruteruecheri ka eska kuajpeḡaaka enga niatakua no ambe jatsikuarhiaka.

Iamendu k'uiripu jurhimbekua jatsisti, no amutaḡantaparini, eski meiamuḡaaka ambe ka na xani enga anchikuarhitini jauaka.

Iamendu k'uiripu enga anchikuarhiḡka jurhimbikua jatsisti eska sesi meiamuḡaaka ka sesi exeaka, eski uaka nitamakuarhini ka sesi irekakuarhitarani imeri anapuecha jingoni.

Iamendu k'uiripu sesikua jatsisti kunguarhikuechani uaxastaani ka imajtu inchajpeni kunguarhekuarhu ka isí uni kuapini imeri anchikurhikuani.

Arhujtakua 24

Iamu k'uiripu jatsikuarhesti jurhimbekua mintsikuarhekua, jurhitenchakuarhekua, sesku atakua anchakuarhekua ka isiḡtu jakua na jaśi jimbo jandajpekua meiamukata.

Arhujtakua 25

Iamu k'uipiru jatsikuarhesti jurhimbekua jurhimbeḡsítatakua tsipekueri terukutakata imangi tatetspekuuaka, ka isiḡtu imeri exenchperakuani, uratajperantskua, ka sesi jakua, ka t'irekua jindemendo, xukuparhakua, irekua, tsinajperakua ka imangi uetarhiuaka ireteri manaratsperakua; ka isiḡtu jatsisti jurhimbekua tataetsperakuechani, iki no jatsikuarheuaka anchekuarheta, p'amenchakua, no ambouakua, tsíndikua, t'arhepekua o materu ambe jimbo enga tsítóoka imeri nitamanchakua imangi jimbo no isi atini jauaka.

Kuxarhekua ka uajpa sapichuekua jurhimbekua jatsikuarhestiksí jukauantskuaechani ka jandiojko jarhutakuaechani. Iamendu takiecha, jupiuakata tembuchakua o uéakua tembuchakuarhu, jurhimbekua jatsisti majku jaśi kuḡani iretarhu.

Arhujtakua 26

Iamu k'uiripu jurhimbekua jatsikuarhesti amboḡastakua intso

Amboḡastajperakua niarauati iamu p'irakuni k'uiripekua k'uiripuchaeueri ka uiḡaperani jaḡaḡarhikua jurhimbekua k'uiripuecheri ka janguarhekuaechanijku, uiḡaperauati kurhangukua, tekaantskua ka sesi pajperakua iamu sorangua k'uiripucheri ka iamu iretecheri o chereḡekuaecheri, ka manatooti p'irakukua niatakuaecha Kunguarhekua So

Tatemalaecha uati erakuni na jaśi amboḡastajperakua uekasíni intskuni uajpechani.

Arhujtakua 27

Iamu k'uiripu jurhimbekua jatsikuarhesti jandijku inchamukuni mimixekua tsipekuarhu ireteri, maruutani anchekuarheta imangi tsitieka ka inchajpeni jurhenguarhu imangi urhepani jauaka ka jurhiatenchakua imangiksí jima uérooka.

Iamu k'uiripu jatsikuarhesti jurhimbekua kuajperantskua imeri pejparikuaechani sesi jangua ka keḡtaskuarhekuecheri imangiksí k'uaninchooka, anchekuarheta petakua, mimxekua, karakua o imecheri sesi niatakua jimbo.

Arhujtakua 28

Iamu k'uiripu jurhimbekua jatsikuarhesti esíki ikaskuḡooka ma ireteri uandangukata ka iamu sirukua k'uiripuecheri jininga jurhimbekuaecha ka janguarhekuecha enga eiamarhiḡperaḡajka i amboḡastajperakuarhu esoka isí niatakuarheuaka.

Arhujtakua 29

Iamu k'uiripu jatsikuarhesti eiauandakuarhekuaechani ireta jinguni, jimboka jimajku uaka kuerakuarheni jandijku imeri k'uiripekua.

Niatakua iameueri jurhimbekuaecha ka marhunchakua imaeueri janguarhekuaecha, iamu k'uiripu engauati jupikakata jima jimberu esíka na uandakata jauaka uandaskukatarhu jimbokijtu isiḡku uati uiḡamu jupikani mitejperantskua ka jaḡaḡarhikua jurhimbekua ka janguaecheri, ireteri uandangukata ka sesi irekua ma iretarhu imangi jauaka ireteri juramukua.

I jurhimbekuaecha ka jandijku hanguarhekua no uati mentjikusi niatakuarheni tajatskuarhekuni uengurhikua ka uandajekuaechani Kunguarhekua Ma Sorangua K'uiripuecheri.

Arhujtakua 30

No ambe ma i ambojastajperakua uati kurhangukuarheni esoki intskusinga jurhimbekua irechakuani, ma umbatsekuani o ma k'uiripuni, uenani ka piirakuni niatakuechani o niatani ambe ma imangisi texurhiuaka kenditani nakinderku ma jurhimbekuechani ka jandijku janguarhekauechani eiamarhijperakatecha i ambojastajperakuarhu.